



UNIVERSITETI I PRISHTINËS
UNIVERSITY OF PRISHTINA

Rr. Xhorxh Bush, Ndërtesa e Rektoratit, 10 000 Prishtinë, Republika e Kosovës
Tel: +383 38 244 183 • E-mail: rektorati@uni-p.edu • www.uni-pr.edu

Nr. Prot.: 2/19

Datë: 29/8/2025

Senati i Universitetit të Prishtinës, në kuadër të kompetencave të përcaktuara sipas nenit 147, pika 3.9 të Statutit të UP-së, në përputhje me Ligjin Nr. 04/L-037 për Arsimin e Lartë në Republikën e Kosovës, Rregulloren me nr. 2/254, datë 17.07.2024, për procedurat vlerësuese për angazhimin e profesorëve dhe asistentëve të angazhuar për ligjërata dhe ushtrime në Universitetin e Prishtinës, në mbledhjen e mbajtur më 27.8.2025, vendosi të shpallë:

THIRRJE PUBLIKE PLOTËSUESE

Për angazhim të profesorëve dhe asistentëve të angazhuar për ligjërata dhe ushtrime në bazë të nevojave të njësive akademike të Universitetit të Prishtinës për vitin akademik 2025/26.

Angazhimi me honorar i profesorëve dhe asistentëve të angazhuar për ligjërata dhe ushtrime do të bëhet sipas propozimit të njësive akademike, në pajtim me Ligjin për Arsimin e Lartë, dispozitat e Statutit të Universitetit të Prishtinës, Rregulloren me nr. 2/254, datë 17.07.2024, për procedurat vlerësuese për angazhimin e profesorëve dhe asistentëve të angazhuar për ligjërata dhe ushtrime në UP, Ligjin për Agjencinë e Kosovës për Akreditim si dhe standardet e miratuara nga AKA-ja dhe Rregulloren në fuqi për të ardhurat personale të personelit akademik të UP-së.

I. Procedura e angazhimit sipas konkursit dhe përjashtimet për kategoritë e caktuara

Procedura e angazhimit të **profesorëve dhe asistentëve** të angazhuar për ligjërata dhe ushtrime nëpërmjet shpalljes së **THIRRJES PUBLIKE PLOTËSUESE**, bazuar në Rregulloren me nr. 2/254, datë 17.07.2024, për procedurat vlerësuese për angazhimin e bashkëpunëtorëve të jashtëm.

II. Kushtet e angazhimit

1. Personat e angazhuar në cilësinë e profesorëve dhe asistentëve të angazhuar nuk marrin thirrje akademike. Angazhimi i tyre bëhet bazuar në procedurat specifike të përcaktuara në Rregulloren me nr. prot. 2/254, datë 17.7.2024, për procedurat vlerësuese për angazhimin e profesorëve dhe asistentëve të angazhuar në UP.
2. Me qëllim të shmangies së konfliktit të interesit dhe nepotizmit në Universitetin e Prishtinës, nuk mund të angazhohen kandidatët që kanë të punësuar apo të angazhuar në njësinë akademike përkatëse persona në marrëdhënie familjare (në relacionin prind-fëmijë, vëlla-motër, motër-motër, vëlla-vëlla dhe anasjelltas).
3. Për pozitën e **profesorit** të angazhuar për ligjërata, kandidatët duhet t'i plotësojnë këto kushte:
 - Të ketë të paktën gradën shkencore Master i shkencave/arteve¹, ndërsa kandidatët me gradën Doktor i shkencave, nga lëmi përkatës (në Fakultetin e Arteve ekuivalente me të), kanë përparësi.
 - Të ketë së paku 1 publikim në revistat shkencore ndërkombëtare (në Fakultetin e Arteve së paku 1 vepër artistike të rangut ndërkombëtar në fushën përkatëse). Për pozitën e **profesorit** të angazhuar për ligjërata në Mjekësi, në lëndët klinike, kandidati duhet të jete specialist i fushës përkatëse.

¹ Kandidati me gradën shkencore Master duhet të ketë notën mesatare jo më të vogël se 8 në të dy nivelet e studimit.

4. Për pozitën e **asistentit** të angazhuar për ushtrime, kandidatët duhet t'i plotësojnë këto kushte:
 - Të ketë të përfunduar studimet master ose ekuivalente me të në fushën përkatëse.
 - Të ketë notën mesatare jo më të vogël se 8 në të dy nivelet e studimit.
 - Në Fakultetin e Bujqësisë dhe Veterinës (në lëndët klinike të veterinarisë) dhe në Fakultetin e Inxhinierisë Elektrike dhe Kompjuterike (në lëndët laboratorike²) kandidati duhet të dëshmojë që ka së paku 3 vjet përvojë pune profesionale në fushën përkatëse.
 - Në Fakultetin e Mjekësisë (në lëndët klinike), të ketë të përfunduar specializimin ose të jetë së paku në vitin e tretë të specializimit në fushën përkatëse. Angazhimi bëhet duke marrë parasysh edhe Ligjin e Shëndetësisë.
 - Në Fakultetin Ekonomik, për ushtrimet në lëndët e kontabilitetit dhe auditimit, kandidati duhet të jetë kontabilist, përkatësisht auditor i certifikuar sipas legjislacionit në fuqi dhe të ketë së paku 3 vjet përvojë pune profesionale në fushën përkatëse.
5. Bazuar në Rregulloren nr. 2/254, dt. 17.07.2024, vlerësimi dhe propozimi i kandidatëve për emërim bëhet nga komisioni vlerësues.

III. Fondi i orëve për të angazhuarit

1. **Profesorët** e jashtëm për ligjërata dhe profesorët vizitorë mund të mbajnë deri në **6** orë në javë.
2. **Asistentët** e jashtëm për ushtrime mund të mbajnë deri në **10** orë në javë.

IV. Periudha e angazhimit dhe kompensimi

1. Angazhimi i profesorëve dhe asistentëve bëhet për një semestër, përkatësisht për dy semestra të të njëjtit vit akademik, ndërsa kontrata lidhet për vitin akademik përkatës.
2. Pas vlerësimit pozitiv për profesorë dhe asistentë, me propozim të dekanit, angazhimi mund të vazhdohet edhe për 1 vit akademik, jo më shumë se dy vite tjera (4 semestra), pa shpallur thirrje publike. Propozimi i arsyetuar i dekanit duhet të miratohet në senat.
3. Kompensimi për angazhim bëhet në bazë të orëve të realizuara, respektivisht për semestrin/at për të cilët angazhohet për mbajtjen e ligjëratave/ushtrimeve, sipas kohëzgjatjes së semestrit të bazuar në Statutin e UP-së.
4. Vlera e kompensimit të profesorëve dhe asistentëve të angazhuar është e përcaktuar në Rregulloren për të ardhura personale të personelit akademik, e cila është në fuqi në momentin e nënshkrimit të kontratës.
5. I angazhuari ka për obligim që në kuadër të kontratës të mbajë provimet për të gjitha afatet brenda vitit përkatës akademik.
6. I angazhuari, nëse ka titullin Dr. Sc. ose ekuivalente me të në Fakultetin e Arteve, ka të drejtë të mentorojë kandidatët në nivelin Bachelor.
7. I angazhuari mund të jetë anëtar i komisionit për mbrojtjen e temave në nivelin bachelor dhe master.

V. Dokumentacioni i nevojshëm për aplikim

Kandidatët që aplikojnë për profesorë dhe asistentë të angazhuar duhet t'i paraqesin këto dokumente:

- a) Kërkesën për aplikim;
- b) Biografinë (CV);
- c) Certifikatën/ekstraktin e lindjes;
- d) Kopjen e diplomës përkatëse të vërtetuar me vulë origjinale nga noteri, për pozitën që aplikon;
- e) Kandidatët që i kanë mbaruar studimet jashtë vendit me rastin e aplikimit për angazhim duhet të ngarkojnë vendimin për nostrifikim (barasvlerë) të diplomës përkatëse (bachelor, master, magjistraturë, doktoratë).
- f) Kandidatët, të cilët konkurrojnë për pozitën e **asistentit** të angazhuar për ushtrime, lektorit dhe korepetitorit duhet të sjellin edhe certifikatën origjinale të notave të studimeve bachelor dhe atyre master, ose kopjen e noterizuar me vulë origjinale nga noteri;

² Lista e lëndëve klinike të Fakultetit të Mjekësisë, lëndëve klinike të fushës së veterinarisë, lëndëve laboratorike të Fakultetit të Inxhinierisë Elektrike dhe Kompjuterike dhe lëndët e kontabilitetit dhe auditimit në Fakultetin Ekonomik është e publikuar në web faqen e Universitetit të Prishtinës dhe të fakulteteve përkatëse.

- g) Dëshmitë për publikimet shkencore e profesionale;
- h) Dëshmitë eventuale për angazhimet paraprake në UP ose në ndonjë institucion të akredituar të arsimit të lartë.
- i) Dëshmi të lëshuar nga gjykata kompetente, përmes së cilës dëshmohet që kandidati nuk është i dënuar.
- j) Dëshmi tjera relevante për pozitën në të cilën aplikon.

VI. Komisioni vlerësues dhe e drejta e ankesës

1. Për formimin e komisionit vlerësues dhe procedurat e implementimit vlejné dispozitat e Rregullores me nr. 2/254, datë 17.07.2024.
2. E drejta e ankesës dhe afatet e ankesës janë të përcaktuara me dispozitat e Rregullores me nr. 2/254, datë 17.07.2024.
3. Kandidatët e pakënaqur kanë të drejtë ankese pranë komisionit për ankese në fakultetin përkatës, brenda 5 ditëve nga publikimi i raportit të Komisionit vlerësues në web-faqe.
4. Vendimi i këshillit të fakultetit, me listën e kandidatëve të pranuar si profesorë dhe asistentë të angazhuar, dërgohet në Senat për informim.

Të gjitha dokumentet duhet të dorëzohen në versionin elektronik brenda afatit të thirrjes publike, në modulën përkatës të sistemit të Universitetit të Prishtinës, në linkun në vijim: angazhimi@uni-pr.edu dhe në adresat elektronike të njësive akademike si në vijim:

Fakulteti i Shkencave Matematike Natyrore: konkurs.fshmn@uni-pr.edu

Fakulteti i Inxhinierisë Mekanike: knkurs.fim@uni-pr.edu

Aplikimet hartohen nga vet kandidatët, sipas pozitës dhe fakultetit ku dëshirojnë të aplikojnë.

Një aplikim bashkë me dokumentacionin relevant duhet të dërgohet në emailin angazhimi@uni-pr.edu dhe i njëjti në emailin e fakultetit ku aplikon kandidati, sipas emailave përkatës, të publikuara në këtë thirrje publike.

Aplikacionet e arritura pas afatit dhe ato të pakompletuara nuk do të merren në shqyrtim.

Thirrja publike publikohet në faqen zyrtare të UP-së <https://www.uni-pr.edu>, dhe në web-faqet e njësive akademike përkatëse, duke filluar nga data 29 gusht 2025. **Aplikimi do të jetë i hapur nga data 29 gusht deri më 5 shtator 2025.**

Thirrja publike shpallet sipas propozimeve të njësive akademike dhe atë si në vijim:

I. FAKULTETI I SHKENCAVE MATEMATIKE NATYRORE

1. Dy asistentë të angazhuar për grup lëndësh nga Matematika.
2. Dy asistentë të angazhuar për grup lëndësh nga Shkencat Kompjuterike.
3. Një asistent/e i/e angazhuar për grup lëndësh nga Fizika.

II. FAKULTETI I INXHINIERISË MEKANIKE

1. Një asistent/e i/e angazhuar për ushtrime për lëndën: Gjuhë Gjermane.

